


AZV
 E seguro medico general cu desde su introduccion na aña 2001 ta responsabel pa cumpra cuidu medico di calidad na prijsnan skerpi. Cada biaha cu bo bishita bo dokter di cas of haci uso di un di e otro cuidonan, esaki ta wordo cubri for di e Fondo AZV.



Hospital/Clinica Exterior

Segun ley di AZV, tur cuidu mester wordo duna na Aruba. Sin embargo pa cuidonan cu no ta posibel na Aruba e pashent ta wordo manda den exterior. Esaki ta sosode a base di un aprobacion adelanta di AZV.



Hospital

Hospital ta maneha diferente tipo di cuidu clinico of policlinico via Spoed Eisende Hulp, Sala di operacion, Dialyse, Cuido di herida, Specialista, Radiologia, Botica, laboratoria, Bloedbank, PAAZ.

ImSan

Pariba di brug nos tin un centro medico cu ta atende cu emergencia, ta ofrece cuidu di dokter di cas, consulta di partera y tambe algun specialista ta tene consulta den ImSan.

Botica

Cada persona ta registra na un botica pa por mantene e historia di uso di remedi (medicatiebewaking). Tambe botica por entrega cierto verbandmiddel of medionan auxiliar (p.e. pampers).




Praktijkondersteuners

Desde maart 2012 praktijkondersteuners ta assisti e dokter di cas den e cuidu y guia di e pashentnan diabetico y pashentnan cu malesanan cardiovascular.



Dokter di cas

Tur persona ta registra na un dokter di cas. Dokternan ta accesibel 32 ora pa siman pa wak e aseguradoonan di AZV.



Specialista

Tin specialista ta traha pa Hospital (den loondienst) y tin ta traha den nan propio clinica (vrijgevestigd). Un dokter di cas ta referi un pashent pa un specialista. Despues di ricibi e tratamento, e specialista por manda bo bek pa bo dokter di cas pa continuacion di bo tratamento.



Partera

E muhe embarasa por haci uso di cuidu y guia di un partera. Den caso di embarazo complica, e partera ta referi pa un gyneacologo.




Optica

AZV ta cubri midimento di e bista (oogmeting) y e glasnun ora ta referi un dioptria di 10 of mas.




Medionan Auxiliar

AZV ta cubri rolstoel, kruk, sapato ortopedico y mea special segun acuerdo entre AZV y proveedornan.




**Dentista/Orthodontista/
Tandtechnicus/
Mondhygienist**

Pa cuidu dental tin cierto cuidu preventivo te 18 aña bou condicion cu ta entrega carchi sanacion. Pa adulto ta conta cu e cuidu dental ta limita.



Fysiotherapia

Pa cuidu di fisiotherapia tin un maximo di 9 tratamento pa un tipo di diagnostico.



Laboratoria

Testnan di sanger y likido of 'research' ta wordo haci den laboratoria. E asegurado di AZV ta liber pa scoge e laboratorio cu e kier pa laga haci e test.